

29. September 2017

Uunga siunnersuut: Namminersorlutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allangortinneqarneranik Inatsisartut inatsisaat nr. xx, xx. xxx 2017-imeersoq (Ilulissani, Aasianni, Sisimiuni, Nuummi aamma Qaqortumi Namminersorlutik Oqartussat ilaqutariinnut ataasiakkaanut illuutaannik aamma illuutaannik affarleriinnik ilaatitsinnginneq kiisalu tamakkiisumik akiliuteqarluni tiguisinnaanissamut periarfissaq)

Namminersorlutik Oqartussat kommunillu inissiaataannik attartortittakkanik inissiatut imaluunniit illutut pigisatut tiguisarneq pillugu Inatsisartut peqqussutaata allangortinneqarneranik inatsisartut inatsisaannut Naalakkersuisut siunnersuutaannut Siumumiit imatut oqaaseqassaagut.

Illut ataasiakkaat affarleriilluunniit inuerunnerini illunik tuniniaasartut aqutugalugit Illoqarfinni taaneqartuni tamanut ammasumik tuniniaasalernissamik siunertamut Siumumiit isumaqataagatta oqaatigissuarput.

Kisiannili nunaqarfinni inoqarfinnilu minnerusuni illut pisortanit pigineqartut inueruttut tamanut tuniniartarnerini Kommunit peqatigalugit periusaasut nalilersornissaat Siumumiit kissaatigaarput. Tassami takussaavallaarpoq illut affarleriilluunniit inuerunnerini tuniniaanermi inoqarfimmiiginarusuttut avataaneersuniit *"ajorsartinneqartarnerat"*. Tamatumalu ilaatigut kingunerikkajuttarpaa inoqarfinni minnerni nukiit pigiinnarneqarsinnaagaluit assigiinngitsunillu pilersitsisinnaaneralugit pinngitsoortarlutik.

Inatsisissatut siunnersuut arlaannaannulluunniit ajoqusiisussaangitsoq Siumumiit isumaqarfigalutigu ataatsimiititaliamut susassaartumut peqqissaarullugu aappassanneernejarnissaminut suliarineqarnissaa innersuussutigaarput.

Jess Svane

Siumut